

ՊԱՅՄԱՆԱԳԻՐ N ԵԴ - 02- 2024

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

«16» «02» 2024 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար Հասմիկ Հակոբյանի, որը գործում է պետական մարմնի կանոնադրության հիման վրա, մի կողմից, և «Տարածքային զարգացման և հետազոտությունների կենտրոն» հասարակական կազմակերպությունը (այսուհետ՝ կազմակերպություն), ի դեմս կազմակերպության նախագահ Մարտին Բադեյանի, որը գործում է կազմակերպության կանոնադրության հիման վրա, մյուս կողմից (այսուհետ միասին՝ կողմեր), հիմք ընդունելով ՀՀ կառավարության 2023 թվականի դեկտեմբերի 28-ի «ՀՀ 2024 թվականի պետական բյուջեի կատարումն ապահովող միջոցառումների մասին» N 2323-Ն որոշումը (այսուհետ՝ որոշում) և Հայաստանի Հանրապետության կրթության, գիտության մշակույթի և սպորտի նախարարի 2023 թվականի նոյեմբերի 14-ի N 2366-Ա/2 հրամանով հաստատված «Երիտասարդության շրջանում բնակչության պաշտպանության և աղետների ռիսկի կառավարման կարողությունների զարգացում, առկա հնարավորությունների վերաբերյալ տեղեկատվության տարածում, առաջին օգնության ցուցաբերման հմտությունների վերաբերյալ գործնական և տեսական դասընթացների և վարժանքների կազմակերպում և համայնման նախաձեռնությունների խրախուսում» միջոցառման շրջանակներում դրամաշնորհի հատկացման մրցույթի հանձնաժողովի 2023 թվականի դեկտեմբերի 20-ի նիստի 03 և 2024 թվականի հունվարի 24-ի N 98-Ա/2 հրամանով հաստատված 2024 թվականի հունվարի 19-ի նիստի 04 արձանագրությունները՝ որոշման «1115. Երիտասարդության ծրագիր» ծրագրի «11001. Երիտասարդական պետական քաղաքականությանն ուղղված միջոցառումներ» միջոցառման (տող՝ «Երիտասարդության շրջանում բնակչության պաշտպանության և աղետների ռիսկի կառավարման կարողությունների զարգացում, առկա հնարավորությունների վերաբերյալ տեղեկատվության տարածում, առաջին օգնության ցուցաբերման հմտությունների վերաբերյալ գործնական և տեսական դասընթացների և վարժանքների կազմակերպում եվ համայնման նախաձեռնությունների խրախուսում») շրջանակներում՝ «Առաջին օգնության և անձնական անվտանգության հմտությունների զարգացում Գեղարքունիքի, Տավուշի և Կոտայքի մարզերում բնակվող տեղացի և Լեռնային Ղարաբաղից բռնի տեղահանված երիտասարդության շրջանում» ծրագրի (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ ԵՎ ԳԻՆԸ

1.1. Սույն պայմանագրով պետական մարմինը պարտավորվում է ծրագրի իրականացման նպատակով պայմանագրի 5.1.-ին կետով սահմանված կարգով կազմակերպությանը հատկացնել որոշմամբ նախատեսված գումարից 2638.8 հազար (երկու միլիոն վեց հարյուր երեսունութ հազար ութ հարյուր) դրամ՝ համաձայն Հավելված N 2-ի, իսկ կազմակերպությունը պարտավորվում է ծրագիրն իրականացնել պայմանագրով սահմանված կարգով:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի Հավելված N 1-ում, իսկ ծրագրի նկարագիրը՝ Հավելված N 3-ում:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

2.1. Պետական մարմինն իրավունք ունի՝

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2.-րդ կետով նախատեսված տուգանքը, իսկ պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ սույն պայմանագրի 6.3.-րդ կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ՝ սույն պայմանագրով սահմանված կարգով և ժամկետներում չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կատարողի կողմից սույն պայմանագրով նախատեսված ծրագրի ոչ ֆինանսական ցուցանիշների թերակատարման դեպքում համապատասխան չափով նվազեցնել ֆինանսավորումը,

2.1.6. սույն պայմանագիրը ՀՀ օրենսդրությամբ կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ ծրագրի արդյունքները:

2.2. Կազմակերպությունն իրավունք ունի՝

2.2.1. իրականացված ծրագրի արդյունքը պետական մարմնի կողմից ընդունվելու դեպքում պահանջելու վճարել իրեն հասանելի գումարը,

2.2.2. իրականացված ծրագրի արդյունքը պետական մարմնի կողմից ընդունվելու դեպքում պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

2.2.3. անհրաժեշտության դեպքում սույն պայմանագրի անբաժանելի մաս կազմող նախահաշվով նախատեսված ծախսային ուղղությունների միջև և (կամ) ծախսային ուղղությունների տողերի միջև իրականացնել համապատասխանաբար յուրաքանչյուր ծախսային ուղղության և ծախսային ուղղության տողերի գումարի 10 տոկոսի չափով շեղում՝ չխախտելով վճարումների համար սահմանված նորմերը:

2.3. Պետական մարմինը պարտավոր է՝

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.3. իրականացնել ծրագրով նախատեսված այլ աշխատանքներ,

2.3.4. իրականացված ծրագրի մասին ներկայացված կատարողական հաշվետվությունների վերաբերյալ համապատասխան որոշում ընդունել սույն պայմանագրի 4.2-րդ կետում նշված ժամկետում: Եթե ներկայացված հաշվետվությունների համաձայն իրականացված ծրագիրը համապատասխանում է սույն պայմանագրի պահանջներին, ապա դրանք ընդունվում են:

2.4. Կազմակերպությունը պարտավոր է՝

2.4.1. սույն պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով,

2.4.2. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ դրանք վերացնելու համար,

2.4.3. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.4. իրականացնել ծրագրի շրջանակներում պետական մարմնի կողմից տրամադրված գումարների՝ Հայաստանի Հանրապետության գործող օրենսդրությանը համապատասխան հաշվառում,

2.4.5. սույն պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու պետական մարմնի հնարավորությունը՝

RECEIVED
MINISTRY
OF
DEFENSE
AND
NAVY
1950

3. ՄՈՆԻԹՈՐԻՆԳԸ

3.1. Պետական մարմինը ծրագրի իրականացման արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

3.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում Կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

4. ՊԱՅՄԱՆԱԳՐԻ ԱՐԴՅՈՒՆՔԻ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ

4.1. Սույն պայմանագրի արդյունքն ընդունվում է պետական մարմնի և կազմակերպության միջև հանձնման-ընդունման ակտի ստորագրմամբ:

Մինչև սույն պայմանագրով ստանձնված պարտավորությունների կատարման համար նախատեսված օրը ներառյալ կազմակերպությունը armeps էլեկտրոնային համակարգի միջոցով (գործողության իրականացման ձեռնարկը տեղադրված է www.minfin.am հասցեով գործող կայքի «Դրամաշնորհներ» բաժնի «Ուղեցույցներ, ձեռնարկներ» ենթաբաժնում) պետական մարմնին է տրամադրում իր կողմից ստորագրված՝ հանձնման-ընդունման ակտը (Հավելված N 6) և հաշվետվությունը: Ընդ որում կազմակերպությունը հանձնման-ընդունման ակտը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին:

4.2. Եթե իրականացված ծրագիրը համապատասխանում է սույն պայմանագրի պայմաններին, պետական մարմինը պայմանագրի 4.1.-ին կետում նշված փաստաթղթերը ստանալու օրվան հաջորդող աշխատանքային օրվանից հաշված 10 աշխատանքային օրվա ընթացքում ստորագրում և armeps էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

4.3. Եթե իրականացված ծրագիրը կամ դրա մի մասը չի համապատասխանում սույն պայմանագրի պայմաններին, ապա պետական մարմինը չի ստորագրում հանձնման-ընդունման ակտը և սույն պայմանագրի 4.2-րդ կետում նշված ժամկետում armeps էլեկտրոնային համակարգի միջոցով կազմակերպությանը հետ է վերադարձնում հանձնման-ընդունման ակտը՝ նշելով դրա չստորագրման համար հիմք հանդիսացած անհամապատասխանությունը: Սույն կետի կիրառման դեպքում պետական մարմինը ձեռնարկում է նման իրավիճակի համար պայմանագրով նախատեսված միջոցները և կազմակերպության նկատմամբ կիրառում է սույն պայմանագրով նախատեսված պատասխանատվության միջոցներ:

4.4. Եթե սույն պայմանագրի 4.2.-րդ կետով սահմանված ժամկետում պետական մարմինը չի ընդունում սույն պայմանագրի 4.1.-ին կետում նշված փաստաթղթերը կամ չի մերժում դրա ընդունումը, ապա իրականացված միջոցառումը համարվում է ընդունված և սույն պայմանագրի 4.2.-րդ կետով սահմանված վերջնաժամկետին հաջորդող աշխատանքային օրը պետական մարմինը armeps էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

5. ԿԱԶՄՄԱՆ ԿԱՐԳԸ ԵՎ ԺԱՄԿԵՏՆԵՐԸ

5.1. Սույն պայմանագրի 1.1.-ին կետում սահմանված գումարի 80%-ը կազմակերպությանը հատկացվում է սույն պայմանագրի կնքումից հետո, իսկ 20%-ը՝ սույն պայմանագրի 4.1.-ին կետով նախատեսված հանձնման-ընդունման արձանագրությունը ստորագրելուց հետո՝ կազմակերպության հաշվեհամարին փոխանցելու միջոցով:

5.2. Համաձայն «ՀՀ 2024 թվականի պետական բյուջեի մասին» օրենքի 7-րդ հոդվածի 23-րդ մասի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2024 թվականի ընթացքում ենթակա են վերադարձման ՀՀ պետական բյուջե:

5.3. Սույն պայմանագրի 1.1-ին կետում նշված գումարի չափը կարող է փոփոխվել սույն պայմանագրով, ինչպես նաև Հայաստանի Հանրապետության օրենսդրությամբ սահմանված հիմքերով ու կարգով:

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1. Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Սույն պայմանագրով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմնին վճարում է տուգանք՝ ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար:

6.3. Սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմնին վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, սույն կետով սահմանված տույժերը վերաբերում են պետական մարմնին ներկայացվող ինչպես ֆինանսական, այնպես էլ՝ բովանդակային հաշվետվություններից յուրաքանչյուրին:

6.4. Սույն պայմանագրի 6.2-րդ և 6.3-րդ կետերով նախատեսված տուգանքը և տույժը կարող է հաշվարկվել և հաշվանցվել ծրագրի իրականացման արդյունքում

կազմակերպությանը վճարման ենթակա գումարների հետ: Տույժը հաշվարկվում է աշխատանքային օրերով:

6.5. Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.6. Տույժերի և (կամ) տուգանքի վճարումը կողմերին չի ազատում իրենց պայմանագրային պարտավորությունները լրիվ կատարելուց:

7. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

7.1. Սույն պայմանագրով նախատեսված ծրագրի կատարման ժամկետը մինչև 2024 թվականի հոկտեմբերի 2-ն է, իսկ հաշվետվությունների ներկայացման ժամկետը՝ մինչև սույն պայմանագրով նախատեսված միջոցառումների կատարման ավարտին հաջորդող 30-րդ օրացուցային օրը:

7.2. Սույն պայմանագիրն ուժի մեջ է մտնում Կողմերի ստորագրման պահից և գործում է մինչև Կողմերի ստանձնած պարտավորությունների ամբողջ ծավալով կատարումը:

7.3. Սույն պայմանագրով նախատեսված Կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

8. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

8.1. Սույն պայմանագրով նախատեսված պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. ԵԶՐԱՓԱԿԻՉ ԴՐՈՒՅԹՆԵՐ

9.1. Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ մրցույթի գործընթացում, մինչև պայմանագրի կնքումը, պայմանագրի կողմը ներկայացրել է կեղծ փաստաթղթեր (տեղեկություններ և տվյալներ), կամ վերջինիս հաղթող կազմակերպություն ճանաչելու մասին որոշումը չի համապատասխանում սույն կարգի պահանջներին, ապա այդ հիմքերն ի հայտ գալուց հետո պետական մարմինը միակողմանի լուծում է պայմանագիրը, եթե արձանագրված խախտումները մինչև

պայմանագրի կնքումը հայտնի լինելու դեպքում, Հայաստանի Հանրապետության օրենսդրության համաձայն, հիմք կհանդիսանային պայմանագիրը չկնքելու համար: Ընդ որում՝ պետական մարմինը չի կրում պայմանագրի միակողմանի լուծման հետևանքով պայմանագրի կողմի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով պետական մարմնի կրած վնասներն այն ծավալով, որի մասով պայմանագիրը լուծվել է:

9.2. Կազմակերպության կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը պետական մարմինը հրապարակում է իր պաշտոնական՝ www.escs.am կայքում՝ նշելով հրապարակման ամսաթիվը: Կազմակերպությունը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից:

Պայմանագիրը միակողմանի լուծելու մասին ծանուցումը սույն կետում նշված կայքում հրապարակվելու օրը պետական մարմինն այն ուղարկում է նաև կազմակերպության էլեկտրոնային փոստին:

9.3. Սույն պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.4. Սույն պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.5. Սույն պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

ՊԵՏԱԿԱՆ ՄԱՐՄԻՆ

ՀՀ կրթության, գիտության, մշակույթի
և սպորտի նախարարություն

Երևան, Վ. Սարգսյան 3, Կառավարական տուն N 2

ՀՀ ՖՆ գործառնական վարչություն

Հ/Ը 900011032472, ՀՎՀՀ 02698732

Գլխավոր քարտուղար՝

Հ. Հակոբյան

/ստորագրություն/

ԿԱԶՄԱԿԵՐՊՈՒԹՅՈՒՆ

«Տարածքային զարգացման և հոտազոտությունների
կենտրոն» ՀԿ

Գեղարքունիքի մարզ, ք. Սևան, Նաիրյան փ., 164 շ.

«Արդշինբանկ» ՓԲԸ, Սևան մասանճյուղ

Հ/Ը 2477203453280020, ՀՎՀՀ 08611805

rdrcngos@gmail.com

Նախագահ՝

Մ. Բաղդյան

02698732

Մ Ի Զ Ո Ց Ա Ռ ՈՒ Մ Ն Ե Ր

Դրամաշնորհի միջոցների հաշվին իրականացվող միջոցառման					
անվանումը	նկարագիրը	կազմակերպության կողմից կատարման ենթակա գործողությունները	ակնկալվող արդյունքները և դրանց գնահատման չափանիշները	միջոցառման իրականացման վերջնաժամկետը	հաշվետվության ներկայացման կարգն ու ժամկետը
1	«Առաջին օգնության և անձնական անվտանգության» թեմայով դասընթաց	Իրականացվելու է 7-օրյա տեսական և գործնական ուսուցում ընդհանուր թվով 60 երիտասարդների համար: Գործնական փուլում կազմակերպվելու է վարժանք՝ իրականին մոտ պայմաններում:	Գեղարքունիքի, Կոտայքի և Տավուշի մարզերում բնակվող տեղացի և Լեռնային Ղարաբաղից բռնի տեղահանված 14-ից բարձր տարիքի նվազագույնը 60 երիտասարդ անցել է 7-օրյա տեսական և գործնական ուսուցում «Առաջին բուժօգնություն և անձնական անվտանգություն» թեմաներով՝ վերջնական թեստի արդյունքում գրանցելով ավելի քան 80% առաջադիմություն:	01. 10. 2024 թ.	31. 10. 2024 թ.
Ընդամենը					2199.0
ԱԱՀ					439.8
Անբողջը՝					2638.8

ՊԵՏԱԿԱՆ ՄԱՐՄԻՆ
ՀՀ կրթության, գիտության, մշակույթի
և սպորտի նախարարություն
Երևան, Վ. Սարգսյան 3, Կառավարական տուն N 2
ՀՀ ՖՆ գործառնական վարչություն
Հ/Հ 900011032472, Հ/ՀՀՀ 02698732



ԿԱԶՄԱԿԵՐՊՈՒԹՅՈՒՆ
«Տարածքային զարգացման և հետազոտությունների կենտրոն» ՀԿ
Գեղարքունիքի մարզ, ք. Սևան, Նաիրյան փ., 164 2.
«Արդշինբանկ» ՓԲԸ, Սևան մասանձյուղ
Հ/Հ 2477203453280020, Հ/ՀՀՀ 08611805
rdrcngos@gmail.com



ՖԻՆԱՍԱԿԱՆ ՆԱԽԱՀԱՇԻՎ

Դրամաշնորհառու

Ծրագրի անունը

Ծրագրի տևողությունը

«Տարածքային զարգացման և հետազոտությունների կենտրոն»

ՀԿ

«Առաջին օգնության և անձնական անվտանգության
հմտությունների զարգացում Գեղարքունիքի, Տավուշի և
Կոտայքի մարզերում բնակվող տեղացի և Լեռնային Ղարաբաղից
բռնի տեղահանված երիտասարդության շրջանում»

3 ամիս

	Ծախսատեսակի անվանումը	Չափի միավորը	Քանակը	Միավորի արժեքը (հազար դրամ)	Գումարը (հազար դրամ)
1	Աշխատավարձ (ներառյալ հարկերը)*				
1.1	Ծրագրի համակարգող	ամիս	3	75.0	225.0
1.2	Ծրագրի փորձագետ	ժամ	108	3.5	378.0
	ԸՆԴԱՄԵՆԸ 1				603.0
2	Կեցության ծախսեր				
2.1	Դասընթացի մասնակիցների սննդի կազմակերպման ծառայություն՝ 60 մասնակից x 7 օր x 2300 դրամ=966000 դրամ	հատ	1	966.0	966.0
2.2	Հյուրանոցային ծառայություն՝ դասընթացի մասնակիցների և փորձագետի գիշերակաց՝ 30 մասնակից x 7 օր x 3000 դրամ=630000 դրամ	հատ	1	630.0	630.0
	ԸՆԴԱՄԵՆԸ 2				1596.0
	ԸՆԴԱՄԵՆԸ				2199.0
	ԱԱՀ**				439.8
	ԱՄԲՈՂՋԸ				2638.8

* Ծախսերը պետք է իրականացվեն բացառապես ՀՀ աշխատանքային օրենսգրքով սահմանված կարգով

** ԱԱՀ-ի գծով լրացուցիչ հատկացումները որպես հարկային պարտավորություն ենթակա են վճարման կազմակերպության կողմից
որպես ԱԱՀ, հակառակ դեպքում ենթակա են վերադարձման ՀՀ պետական բյուջե:

ՊԵՏԱԿԱՆ ՄԱՐՄԻՆ

ՀՀ կրթության, գիտության, մշակույթի
և սպորտի նախարարություն
Կառավարական տուն N 2
ՀՀ ՖՆ գործառնական վարչություն
Հ/Հ 900011032472, ՀՎՀՀ 02698732
Գլխավոր քարտուղար՝

Հ. Հակոբյան
(ստորագրություն)
Կ. Տ.

ԿԱԶՄԱԿԵՐՊՈՒԹՅՈՒՆ

«Տարածքային զարգացման և հետազոտությունների
կենտրոն» ՀԿ

Գեղարքունիքի մարզ, ք. Սևան, Նաիրյան փ., 164 շ.
rdrcngos@gmail.com

Արդշինբանկ ՓԲԸ, Սևան մասնաճյուղ
Հ/Հ 2477203453280020, ՀՎՀՀ 08611805
Նախագահ՝ Մ. Բաղդեյան
(ստորագրություն)



Համառոտագիր

Առաջարկվող ծրագրի նպատակն է զարգացնել Գեղարքունիքի, Կոտայքի և Տավուշի մարզերում բնակվող տեղացի և Լեռնային Ղարաբաղից բռնի տեղահանված 14-ից բարձր տարիքի նվազագույնը 60 երիտասարդների՝ առաջին օգնության և անձնական անվտանգության հմտությունները՝ 7-օրյա տեսական և գործնական ուսուցումների միջոցով: Ուսուցումներն իրականացվելու են միջազգային ստանդարտներին համապատասխան օրինակելի պլանի հիման վրա, որը ներկայացված է այս ծրագրին կից: Դասընթացը բաղկացած է տեսական և գործնական մասերից: Գործնական մասում իրականացվելու է վարժանք իրականին մոտ պայմաններում, ինչի կազմակերպման համար առկա է անհրաժեշտ նյութատեխնիկական բազա:

Դասընթացները կիրականացվեն Սևան համայնքի տարածքում, ճամբարային ձևաչափով:

Դասընթացի մասնակիցների 50%-ը կլինեն մարզաբնակ տեղացի երիտասարդներ, իսկ մյուս 50%-ը Արցախից բռնի տեղահանված երիտասարդներ:

Ծրագրի արդյունավետության բարձրացման նպատակով կներգրավվեն նաև արդեն այս ուսուցումն անցած և առավելագույն արդյունք գրանցած 5 երիտասարդներ, ովքեր կօգնեն դասընթացավարին՝ բազմապատկելով իրականացվելիք վարժանքների թիվը և ավելի կզարգացնեն նաև սեփական հմտությունները:

Ծրագրի արդյունքում կունենանք առաջին օգնության և անձնական անվտանգության զարգացած հմտություններ ունեցող 60՝ Գեղարքունիքի, Կոտայքի և Տավուշի մարզերում բնակվող տեղացի և արցախցի երիտասարդներ:

Ծրագիրը կնպաստի նաև մարզերում բնակվող տեղացի և արցախցի երիտասարդների միջև կապերի հաստատմանը, հայրենաճանաչությանը, մշակութային փոխանակմանը:

Ծրագրի նկարագրություն**Հիմնախնդրի և կարիքի հիմնավորում**

Մեր ժամանակներում ապրող մարդը ամեն պահի ենթակա է աղետների ու պատահարների ռիսկի, և ոչ ոք որևէ կերպ ապահովագրված չէ դրանից: Միակ ապահովագրությունը դա գիտելիքների ու հմտությունների առկայությունն է, որը լրջորեն մեծացնում է ինչպես ռիսկից խուսափելու, այնպես էլ պատահարի դեպքում կյանքեր փրկելու հավանականությունը: Ասվածը բազմիցս ապացուցվել է տարբեր իրավիճակներում, երբ տուժածները փրկվել են պատահարի պահին դեպքի վայրում գտնվող մարդկանց հմուտ գործողությունների արդյունքում:

Հետևաբար առաջին օգնության և անձնական անվտանգության հմտությունները կարևոր են ցանկացած մարդու համար՝ հատկապես երիտասարդների և հատկապես մեր երկրում, որը գտնվում է սեյսմիկ անկայուն տարածաշրջանում և մշտապես սպառնացող պատերազմական իրավիճակում: Բնականաբար՝ բավարար չեն միայն տեսական գիտելիքները: Մեր երիտասարդներին անհրաժեշտ են գործնական հմտություններ, որոնք ձևավորվում են վարժանքների միջոցով:

Ցավոք՝ քիչ չեն եղել առիթները, որոնք հաստատել են այդ անհրաժեշտությունը: Այդ պատճառով է, որ երիտասարդների հմտությունների զարգացումը դարձել է մեր կազմակերպության գործունեության հիմնական ուղղություններից մեկը, ինչը իրականացնում ենք տարբեր թեմաներով ուսուցումներին զուգահեռ:



Կազմակերպության փորձառությունը

2023թ-ի օգոստոս-նոյեմբեր ամիսներին իրականացրել ենք «Առաջին օգնության և անձնական անվտանգության հմտությունների զարգացում Գեղարքունիքի մարզի երիտասարդության շրջանում» ծրագիրը (ԿԳՄՄՆ դրամաշնորհ), որի շրջանակներում առաջին օգնության և անձնական անվտանգության տեսական և գործնական ուսուցում է անցել 79 երիտասարդ Գեղարքունիքի մարզի տարբեր բնակավայրերից:

2023թ-ի մայիս-հունիս ամիսներին իրականացրել ենք «Առաջին օգնություն և առողջ ապրելակերպ» ծրագիրը՝ «Հասարակական առողջություն» հիմնադրամի հետ գործընկերությամբ: Մասնակիցների թիվը՝ 12, տարիքը՝ 16-40 տարեկան:

2020թ-ին իրականացվել են «Երիտասարդների մասնակցության խթանում սեփական բարեկեցության կերտմանը» (ԿԳՄՄՆ դրամաշնորհ 6 027 300 ՀՀ դրամ) և «Սևան ավի մեջ» (ԵՄ, «Համայնքների ֆինանսիստների միավորում» ՀԿ, Ծովագյուղի համայնքապետարան- 7 260 200 ՀՀ դրամ): Նշված 2 ծրագրերի ընթացքում ընդհանուր թվով 25 երիտասարդ, ծրագրով նախատեսված այլ գործողությունների շարքում, անցել են նաև առաջին օգնության և համաճարակային իրավիճակում վարվեցողության կանոնների տեսական և գործնական ուսուցումներ:

Ծրագրի նպատակը, խնդիրներն ու ակնկալվող արդյունքները

Համառոտ կերպով նկարագրել՝ որն է ծրագրի նպատակը և ինչ արդյունքներ են ակնկալվում ծրագրի ավարտին:

Առաջարկվող ծրագրի նպատակն է զարգացնել Գեղարքունիքի, Կոտայքի և Տավուշի մարզերում բնակվող տեղացի և Լեռնային Ղարաբաղից բռնի տեղահանված 14-ից բարձր տարիքի նվազագույնը 60 երիտասարդների՝ առաջին օգնության և անձնական անվտանգության հմտությունները՝ 7-օրյա տեսական և գործնական ուսուցումների միջոցով:

Ծրագրի արդյունքում՝

Գեղարքունիքի, Կոտայքի և Տավուշի մարզերում բնակվող տեղացի և Լեռնային Ղարաբաղից բռնի տեղահանված 14-ից բարձր տարիքի նվազագույնը 60 երիտասարդ անցել է 7-օրյա տեսական և գործնական ուսուցում «Առաջին բուժօգնություն և անձնական անվտանգություն» թեմաներով՝ վերջնական թեստի արդյունքում գրանցելով ավելի քան 80% առաջադիմություն:

Գործողություններ

Որոնք են այն կոնկրետ գործողությունները և մեթոդները ծրագրի նպատակի իրագործմանն ուղղված յուրաքանչյուր խնդրի համար: Ներկայացնել ամսական կտրվածքով աշխատանքային պլան՝ համաձայն ստորև ներկայացված ձևաչափի .

ԱՇԽԱՏԱՆՔԱՅԻՆ ՊԼԱՆ

Կազմակերպություն «Տարածքային զարգացման և հետազոտությունների կենտրոն» ՀԿ
Ծրագիր «Առաջին օգնության և անձնական անվտանգության հմտությունների զարգացում Գեղարքունիքի, Տավուշի և Կոտայքի մարզերում բնակվող տեղացի և Լեռնային Ղարաբաղից բռնի տեղահանված երիտասարդության շրջանում»



Հ/Հ	Գործողություն	Պատասխանատու	Ամիս		
			հուլիս	օգոստոս	սեպտեմբեր
1	Ծրագրի իրականացման համար անհրաժեշտ պայմանագրերի կնքում	ՀԿ Նախագահ			
2	Երիտասարդական խմբերի ձևավորում	Ծրագրի համակարգող			
3	Դասընթացների կազմակերպում և իրականացում	Ծրագրի փորձագետ			
4	Ծրագրի վերահսկում և գնահատում	ՀԿ Նախագահ			
5	Հաշվետվությունների կազմում և ներկայացում	Ծրագրի համակարգող			

Ծրագրի շահառուները ու շահագրգիռ կողմերը

Ծրագրի ուղղակի շահառուներն են այն 60 երիտասարդները, ովքեր անցնելու են ուսուցումներ: Շահագրգիռ կողմերն ու հետաքրքրված խմբերն են ՀԿ-ի անդամներն ու կամավորները, շահառու երիտասարդների ընտանիքներն ու հարազատները, կրթական և առողջապահական հաստատությունները, ՀՀ քաղաքացիներն ու բոլոր այն մարդիկ, ովքեր հնարավոր արտակարգ իրավիճակներում կստանան առաջին օգնություն հմտություններ ձեռք բերած երիտասարդների կողմից: Ուսումնական հաստատություններն ու ՏԻՄ-երը կաջակցեն խմբերի ձևավորման աշխատանքներին, ՀԿ-ի կամավորներն ու անդամները՝ ճամբարի կազմակերպմանը և իրականացմանը:

Ռիսկերի գնահատում

#	Ներքին եւ արտաքին ռիսկեր	Մեղմման հնարավոր միջոցառումներ
1	Նոր համաճարակի վտանգ	Ուսուցումները կարվեն փոքր խմբերով և բացօթյա:
2	Պատերազմական իրավիճակ	Ծրագրի շրջանակներում տրամադրվող գիտելիքները առավել քան կիրառելի են պատերազմական իրավիճակում, հանդիսանում են նաև նախապատրաստություն՝ նման իրավիճակի հաղթահարման համար:
3	Բնակլիմայական անբարենպաստ պայմաններ	Ծրագրի շրջանակներում իրականացվելիք դասընթացները ներառելու են տարբեր բնակլիմայական պայմաններում գործելու հմտությունների զարգացում, հետևաբար անբարենպաստ պայմանները կօգնեն ավելի հետաքրքիր դարձնել ուսուցումների պրակտիկ հատվածը:
4	Հետաքրքրության պակաս երիտասարդների շրջանում	Համայնքի երիտասարդների մոտ արդեն իսկ առկա են հետաքրքրություններ այս ոլորտում՝ մեր նախորդ ծրագրերի արդյունքում: Իսկ այս ծրագիրը միտված է ավելացնելու նրանց գիտելիքներն ու կարողությունները: Կարծում ենք, որ երիտասարդների հետ աշխատանքի մեր նախորդ փորձը կօգնի առաջացնել հետաքրքրություն իրենց շրջանում:

Ծրագրի աշխատակազմը

Նկարագրել ներգրավվող և վճարվող աշխատակիցների և/կամ փորձագետների պատասխանատվության շրջանակը՝ համաձայն աղյուսակի և կցել կենսագրականները՝

Հ/Հ	Անուն, ազգանուն	Դերը/պատասխանատվության շրջանակը ծրագրում	Աշխատակցի կամ փորձագետի փորձառությունը
1.	Սաթիկ Բադեյան	Պատասխանատու է լինելու ծրագրի գործողությունների պլանավորման և ղեկավարման, ծրագրի արդյունքների ստացման և դրանց կայունության ապահովման, շահագրգիռ կողմերի հետ հարաբերությունների, ուսուցումների մասնակիցների ընտրության և թիմերի ձևավորման, փորձագետի ներգրաման, հաշվետվությունների ներկայացման համար:	Ունի դրամաշնորհային ծրագրերի ղեկավարման և ոչ ֆորմալ կրթության տրամադրման երկարամյա փորձառություն
2.	Սպարտակ	Առաջին բուժօգնության և անձնական անվտանգության թեմաներով տեսական և	Հայաստանում առաջին բուժօգնության ոլորտի բացառիկ

	Հովհաննիսյան	գործնական ուսուցումների վարում	փորձագետներից է: Կից ներկայացված է տեղեկանք՝ Սպարտակ Հովհաննիսյանի մասնագիտական հմտությունների և փորձառության մասին:
--	--------------	--------------------------------	--

Հանրահռչակում և Ծրագրի տեսանելիության բարձրացմանն ուղղված քայլեր

Ներկայացնել Ծրագրի հանրայնացման և մարքեթինգային գործողությունների պլանը, միջոցառումների ընթացքի և արդյունքների լուսաբանման եղանակները:

Երիտասարդների ներգրավման նպատակով կտարածվեն հայտարարություններ սոցիալական ցանցերում, որոնցում կներկայացվի ծրագիրը: Ծրագիրը կլուսաբանվի տեղական հեռուստատեսությամբ երեք անգամ կներկայացվի ծրագրի մեկնարկը, իրականին մոտ պայմաններում վարժանքի փուլը և ավարտական ու վկայագրերի հանձնման արարողությունը: Նկարահանված հաղորդումները ևս կտարածվեն սոցիալական հարթակներում:

ՊԵՏԱԿԱՆ ՄԱՐՄԻՆ

ՀՀ կրթության, գիտության, մշակույթի
և սպորտի նախարարություն
Երևան, Վ. Սարգսյան 3, Կառավարական տուն N 2
ՀՀ ՖՆ գործառնական վարչություն
Հ/Հ 900011032472, ՀՎՀՀ 02698732

Գլխավոր քարտուղար՝

Հ. Հակոբյան

/ստորագրություն/

Կ.Տ.

ԿԱԶՄԱԿԵՐՊՈՒԹՅՈՒՆ

«Տարածքային զարգացման և հետազոտությունների
կենտրոն» ՀԿ
Գեղարքունիքի մարզ, ք. Սևան, Նաիրյան փ., 164 2
«Արդշինբանկ» ՓԲԸ, Սևան մասանճյուղ
Հ/Հ 2477203453280020, ՀՎՀՀ 08611805

rdrcngos@gmail.com

Նախագահ՝

Մ. Բաղդեյան

/ստորագրություն/

Կ.Տ.

02698732

ՖԻՆԱՆՍԱԿԱՆ ՀԱՇՎԵՏՎՈՒԹՅԱՆ ՓԱՍՏԱԹՂԹԵՐԻ ԱՄՓՈՓԱԹԵՐԹ
Կատարող կազմակերպությունը _____
Ծրագրի անվանումը _____

NN	Նախահաշվի հոդվածը	Գումարը՝ համաձայն նախահաշվի (դրամով)	Փաստացի գումարը (դրամով)	Շեղումը նախահաշվի համեմատ (+- դրամով)	Հոդվածի ծախսը հավաստող փաստաթղթի անվանումը, համարը և ամսաթիվը
1					
2					
3					
	Ընդամենը				

«___» _____ 2024 թ.

Կատարող կազմակերպության ղեկավարը՝

Փաստաթղթերն ընդունեց՝

_____/_____/

(անուն-ազգանուն) (ստորագրություն)

Կատարող կազմակերպության
գլխավոր հաշվապահ՝

ՀՀ ԿԳՄՍ նախարարության պատասխանատու՝

(անուն-ազգանուն) (ստորագրություն)

_____/_____/

(անուն-ազգանուն) (ստորագրություն)



Դրամաշնորհային հաշվետվություն N _____

1. Ընդհանուր տեղեկատվություն

Ծրագրի անվանում	
Դրամաշնորհի N	
Դրամաշնորհատու կազմակերպություն	
Դրամաշնորհառու կազմակերպություն	
Ծրագրի իրականացման ժամանակահատված	
Հաշվետու ժամանակահատված	
Ներկայացման օր	
Հաշվետվության պատասխանատու (անուն, ազգանուն, պաշտոն)	

2. Բովանդակային հաշվետվություն

2.1 Խնդրում ենք թվարկել աշխատանքային պլանով և պայմանագրի թիվ 1
հավելվածով սահմանված միջոցառումների (այսուհետ՝ միջոցառում)
շրջանակում կատարման ենթակա գործողությունները հաշվետու
ժամանակահատվածի համար:

--

2.2 Խնդրում ենք նկարագրել ծրագրի առաջընթացն՝ ըստ սահմանված
աշխատանքային պլանի (Գանտի աղյուսակ) և միջոցառումների, նշելով՝ Ձեր
կողմից իրականացված գործողությունները և ստացված արդյունքները
հաշվետու ժամանակահատվածի համար: Որքանով են նշված

գործողությունները նպաստել տվյալ ծրագրի խնդիրների/նպատակի իրականացմանը:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

2.3 Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

2.4 Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները:

2.5 Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

2.6 Խնդրում ենք նշել, ծրագրի ազդեցության վերլուծությունը՝ նշելով ծրագրին մասնակից երիտասարդների թիվը,



2.7 միջոցառմանն ընդգրկվելու ցանկություն հայտնած անձանց թվաքանակը,

2.8 միջոցառման իրականացման տարածքային ընդգրկվածությունը,

2.9 միջոցառման արդյունքի հասանելիությունը տարբեր հարթակներում,

2.10 մասնակիցների գոհունակությունը ծրագրի արդյունքներից,

2.11 ծրագրի իրականացման ընթացքում ստեղծված կայուն արժեքները,

2.12 ծրագրի շրջանակներում օրենքով չարգելված այլ աղբյուրներից՝ ՀՀ օրենսդրությամբ սահմանված կարգով կատարված ֆինանսական ծախսերը

ՊԵՏԱԿԱՆ ՄԱՐՄԻՆ

ՀՀ կրթության, գիտության, մշակույթի
և սպորտի նախարարություն
Երևան, Վ. Սարգսյան 3, Կառավարական տուն N 2

ՀՀ ՖՆ գործառնական վարչություն
Հ/Հ 900011032472, ՀՎՀՀ 02698732

Գլխավոր քարտուղար՝

Հ. Հակոբյան

/ստորագրություն/

Կ.Տ.

ԿԱԶՄԱԿԵՐՊՈՒԹՅՈՒՆ

«Տարածքային զարգացման և հոտազոտությունների
կենտրոն» ՀԿ

Գեղարքունիքի մարզ, ք. Սևան, Նաիրյան փ., 164 2.

«Արդշինբանկ» ՓԲԸ, Սևան մասանճյուղ
Հ/Հ 2477203453280020, ՀՎՀՀ 08611805

rdrcngos@gmail.com

Նախագահ՝

Մ. Բաղդյան

/ստորագրություն/

Կ.Տ.



